



Pou Piblikasyon Imedya: 29/01/2024

GOUVÈNÈ KATHY HOCHUL

GOUVÈNÈ HOCHUL ANONSE BIWO TRETMAN REKLAMASYON OLOKÒS LA GARANTI PLIS 183 MILYON DOLA POU VIKTIM AK BENEFISYÈ YO

250 règleman objè kiltirè ke DFS fasilité

Anons lan vini apre Jounen Komemorayon Olokòs Entènasyonal la

Gouvènè Kathy Hochul te anonse jodi a ke Biwo Tretman Reklamasyon Olokòs (Holocaust Claims Processing Office, HCPO) Depatman Sèvis Finansye (Department of Financial Services, DFS) Eta New York la, ki ede viktim Olokòs yo ak eritye yo rekipere byen yo vòlè yo, te ede sekirize epi retounen plis pase 183 milyon dola nan konpansasyon bay viktim yo ak eritye yo pou pèt labank, asirans, ak lòt pèt materyèl. Anplis de sa, atravè inisyativ sa a, Depatman Sèvis Finansye a te fasilité règleman ki enplike plis pase 250 objè kiltirèl depi kòmansman li an 1997.

"Ak chak ane k ap pase, memwa vivan nou sou Olokòs la ka vin ekate davantaj, men li enperatif pou nou kenbe fèm nan objektif nou pou elimine antisemitis", **Gouvènè Hochul te deklare**. "Rayisans pa gen kay nan New York – epi administrasyon mwen an rete angaje nan ede sivivan Olokòs yo ak fanmi yo pandan l ap kontinye onore memwa sis milyon lavi yo te retire twò bonè."

Sipèntandan Sèvis Finansye a, Adrienne A. Harris, te deklare, "Nan DFS, nou pran angajman pou onore sivivan yo ak bay jistis bay moun ki te soufri zak laterè endeskribtif Olokòs la. Depatman an pral kontinye travay pou retounen objè kiltirèl ki gen anpil valè sa yo epi fasilité restitisyon travay atistik ki te pèdi depi lontan pou viktim Olokòs yo ak fanmi yo."

Biwo Tretman Reklamasyon Olokòs (HCPO) la se yon inite nan Depatman Sèvis Finansye Eta New York la. Li te kreye pou ede viktim Olokòs yo ak eritye yo rekipere byen ki te depoze nan bank yo; lajan ki poko peye nan kontra asirans konpayi asirans Ewopeyen yo; ak travay atistik ki te pèdi, piye, oswa vann anba kontrent. HCPO a pa fè reklamè yo peye pou sèvis li yo. Depi kreyasyon li, HCPO te reponn ak plizyè milye demann epi li te resevwa reklamasyon nan tout 50 eta ameriken ak 53 peyi.

Sou direksyon Sipèntandan Harris, HCPO te anonse [rezolisyon](#) Reklamasyon Atizay ki Piye pa Nazi pou kat penti ak dis Chasubbles 18èm Syèk ki soti nan Koleksyon Johann

Bloch, li te konplete premye [rekiperasyon](#) konjwen ak Carabinieri pou Pwoteksyon Eritaj Kiltirèl, ak ansanm ak Fondasyon Eritaj Kiltirèl Pris (SPK), li te [retounen](#) twa penti bay eritye Doktè Ismar Littmann. Pou ou jwenn plis enfòmasyon, vizite [sitwèb HCPO la](#).

###

Lòt nouvèl disponib sou sit www.governor.ny.gov

Eta New York | Chanm Egzekitif | press.office@exec.ny.gov | 518.474.8418
Enskri pou w jwenn mizajou Biwo Gouvènè a: ny.gov/signup | Voye tèks NEW YORK bay 81336

[ANILE ENSKRIPSYON OU](#)